



COMUNI DI SANT'ANTONI DI GADDURA

CONTRIBUTI PA LU DIRITTU A LU STÚDIU

BORSA DI STUDIU REGIONALI- A.S. 2020/2021 (L.R. 5/2015)

BONU LIBRI - A.S. 2021/2022 (ART. 27 L.448/1998)

AVVISU

Si infolma la cittadinànzia chi so stati attivati li sighenti intilventi pa' lu dirittu a lu stúdiu, pa' li studenti di li famílii chi àni un "*indicatore della situazione economica equivalente (I.S.E.E.)*" valitu, cunfolma a lu D.P.C.M. n° 159/2013, più bassu o galu a € **14.650.00**.

1. **BORSA DI STÚDIU REGIONALI (a. s. 2020/2021)**

Pa' li studenti di li scóli púbbrichi primmari e sigundari di primmu e sigundu gradu (in fóra di li beneficiari di la Borsa di stúdiu nazionali 2020/2021).

2. **BONU LIBRI (a. s. 2021/2022)**

Pa' li studenti di li scóli sigundari di primmu e sigundu gradu.

COMU SI FACI LA DUMMANDA

Poni fà la dummanda a lu Comuni di residenza (Uffíciu: PROTOCOLLU) **DA CHINCI A LA DÌ 15 DI SANT'ANDRIA 2021**: babbi o mammi, lu rapprisintanti ligali di lu studenti o lu studenti mattessi siddu à la maggjoritai, scriendi illu modulu appositu e annattendi la sighenti documentazioni:

1. fotocópia di l'attestazioni di l'ISEE vèlitu, cunfolma a la nulmativa di lu DPCM n.159/2013;
2. fotocópia di un documentu di identitai valitu di ca' faci la dummanda
3. solu pa' lu **Bonu libri**: documentazioni chi cumpróa la spésa(scontrini, riciuti, fatturi).

INFULMATIVA PRIVACY

Trattamentu di li dati personali cunfolma a lu GDPR n. 679/2016UE

Lu trattamentu di li dati personali, fruniti da lu ricchidenti direttamenti o comunque accansati sarà fattu in folma automatizzata e/o a manu, cunfolma a cantu è previstu dall'art. 32 del GDPR innant'a li misuri di siguritài.

Lu trattamentu selvi solu a lu isbrigu di cómpiti istituzionali illu rispettu di li leggi e regolamenti, illu rispettu di li prinzipi di lizzitài, gjustesa, e trasparenza; sarà fattu illu Comuni e trattendi li pruzziduri puru infulmatizzati, illi módi e illi limiti nizissari pa' pissighi lu scoppu appena mintuatu.

Li dati non sarani mai spalti e non sarani ugghjettu di comunicazioni, a l'infora di li comunicazioni chi so privvisti da la leggi; lu responsabbili di lu trattamentu e l'incaricati di lu trattamentu lu cunnosciarani: solu l'impiegati e li funzionari comunali (cun profilu tennicu o amministrativu) impliati a l'azioni nizissari pa' l'attivatai o lu pruzzidimentu amministrativu.

In cassisia mumentu, lu ricchidenti potará fa vali lu dirittu a aè l'azzessu a li dati chi so ugghjettu di trattamentu, cunfolma a l'alt. 15 del GDPR e di la normativa nazionali che poni oldini a l'applicazioni; dummandà lu currigimentu di li dati chi no so gjusti e chi so ugghjettu di trattamentu cunfolma a l'alt. 15 del GDPR e di la normativa nazionali; bucani l'approu a lu trattamentu di li dati; aè la pussibiltai di no fa vidé celti dati o fatti che lu rigualdani; oppunissi a lu trattamentu, ingjttendi lu muttù; dummandà di burrà li dati personali ugghjettu di trattamentu illu Comuni di Sant'Antoni di Gaddura; prisintà reclamu contr'a lu trattamentu dispostu da lu Comuni di Sant'Antoni di Gaddura a l'Autoritài Garanti pa la prutizioni di li dati personali e riculsu a l'Autoritài giudiziaria cumpitenti.

Lu Titolari di lu trattamentu è lu Comuni di Sant'Antoni di Gaddura illa passona di lu Sindacu pro-tempore, lu rispunsabbili di la prutizioni di li dati (DPO), e lu rispunsabbili di lu settóri socio-culturali.

MODULISTICA E INFULMAZIONI

Li moduli appositi s'agattani illu sito di la Regioni Saldigna: www.regione.sardegna.it, illu situ di lu Comuni: www.comune.santantoni digallura.ot.it e ill'Ufficiu Púbbrica Istruzioni.

Pa' infulmazioni:

Ufficiu Púbbrica Istruzioni

Ciurrati e ori di candu è abbaltu: luni, malcuri e vènnari, 9.30 – 11.30

Telèffanu: 0799147549

Email: pubblicaistruzione@comune.santantoni digallura.ot.it

Sant'Antoni di Gaddura, 18/10/2021

LU SINDACU